



In dumënia ai 30 de Setëmber él gnü sughé le prüm Derby da Rîl dl campionat 2012/2013 de 3° categoria. La partida é gnüda sugada te cíasa a La Val. 2 agn á La Val trê davagné le Derby, sides te cíasa che fora de cíasa. Mo chësc iad mëss La Val se acumentè cun en pareggio.

Le derby é la partida plü sintida tl campionat dla squadra da La Val. Bel dan la partida ê düc i sogadusc bel concentrá te spogliatoio, ponsan dô ciche al ti é gnü dit dal alenadú da fá te campo. Insciö á metü man dër bun le derby por La Val. Bel ti prüms menüc é Florian che porta in vantaggio La Val. Sön en bel lancio dala fascia jö de Werner, röia la pala sura le difensur fora. Florian ti vá dlungia ia in velocità. Al se porta contra la porta dl Mareo y cun en gran tiro de sinistro sön le palo lunch ne ti lascel degüna chance al portier. Che resta ma plü chit. La pala röia bel avisa dlungia le palo lunch ite. En bel gol de Florian che ti dá ince gran segurëza a düc i sogadusc da La Val.

La Val á la partida tles mans da mët man. Ince ite a mez esi bugn da recuperé en grüm de pales, ince de cé. La Val prô da sughé cun la pala jö portera, deache cun les pales altes é le Mareo avantagé, deache düc i defensurs dl Mareo é bimbo de gragn y se fesc insciö plü saurí. Le Mareo é ma prigorús sön les pales inatives. Prësc vigni aziun pëia ia da lanci dl portier dl Mareo cina sô dan l'area da La Val. Düc chisc lanci luné á zigü contribuí a en burt derby, ulache le jüch é gnü metü en pü sön la pert.

Insciö nasc ince le 1 a 1 dl Mareo. Sön la fascia röiel ite sön le secundo palo na bela ponizun de Kaneider Denis, Werner che ó trá demez la pala vëgn sburlé da en atacant, mo le arbiter che é dlungia ne á nia fischíe le fallo. Insciö röiel cun le scnëdl sön le pal y ne é nia bun da trá demez bel la pala. La Pala resta tl cinch y en sogadú dl Mareo é plü asvelto da apogé ite la pala te porta.

Le prüm tēmp se stllüsc jö sön le 1 a 1.

Tl secundo tēmp é düc che se aspeta en jüch plü bel, mo al suzed bel avisa le contrario. An vëiga plü degun jüch. La pala vëgn ma plü splundrada da porta a porta. I sogadusc vëgn ince trës plü nervösc. Le arbiter ne á gnanca plü la partida tles mans y fischia scialdi düt ma plü por le Mareo. A mesa le secundo tēmp é en atacant dl Mareo che rōia cuntra porta sú, mo al ne é nia bun da trá bel la pala, le esterno rōia dlungia porta ia, na gran chance por le Mareo, che ne vëgn nia sfrutada. 20 menüc dala fin el spo en defensur dl Mareo che toma jö portera, dô che al se a ciafè na gomitada tl piet. Bunamēter é stá trami dui i sogadusc de colpa, deache le defensur ê bel tratan düta la partida cun ginochiades tles giames y tl spiné dl atacant. Insciö á pordü la paziēza le sogadú da La Val. Le arbiter ne á nia udü le fallo de raziun. Al á dè ca na gran cajan, düc che é saltá ite te campo, mo por fortüna ne él nia stè na rissa y düc se á indô calmè ia.

15 menüc dan la fin dla partida vëgnel cíamò espulso Ivan, por soma de amoniziuns.

La partida se stllüsc jö sön le 1 a 1. Cun chësc punt davagné resta La Val al 8° post te tlassifica. Proscima partida é in sabda ai 06.10.2012 fora de ciasa cuntra la squadra da Raas.

La formaziun titolara: Kantioler Sepl, Valentin Elmar, Alton Alex, Vallazza Paolo, Sottara Werner, Frenes Micky, Sottara Freddy, Sottara Stefan, Tschaffert Ivan, Miribung Alexander y Rubatscher Florian.

□

Sostituziuns:

Castlunger Marco por Valentin Elmar

Miribung Adrian por Miribung Alexander

Tavella Thomas por Frenes Micky

□

Por udëi i atri resultač drüca (ince di atri campionač ulache sogadusc da La Val süga para) drüca: [resultač](#)